

Ĉio decidita estas farita estas la defio de la kuba ekonomio.



Kubo jam de pluraj jaroj alfrontas kvazaŭ militon rilate la konstantan sieĝon kaj persekutadon de la usonaj administracioj, kiuj celas iel aliel, faligi la kuban registaron kaj la sekvan reĝimon en la insulo. Tio estas fakto, kiun ili proklamas kaj finance subtenas. Kiel ili agas?

Fakte, dum jardekoj kaj eĉ jarcento, la usona reĝimo uzis kaj eluzis samajn metodojn. La historio estas riĝa je ekzemploj, do, sufiĉos trarigardi ĉin kaj oni trovos samajn trukojn kaj pretekstojn por enmiksiĝi en la vivon de tiu ĉi eta lando.

La metodo provi kaj reprovi sufoki la ekonomion estas ĉiam pli forta, aparte, pro la fiaj agoj de la nuna sidanto en la Blanka Domo.

Kaŭze de tiu politiko agresema, Kubo kolizias kontraŭ enormajn obstaklojn ĉiuspecajn, en la akiro de kreditoj, en la akiro kaj komerco de brulaĵoj, en la libera komerco entute kaj financaj transakcio, ktp. Por Kubo, kaj kontraŭ Kubo ili uzas la plej absurdajn pretekstojn kaj punojn.

En la nuna kunteksto, kiam Kubo jam trapasis sukcese la epidemion de la nova kronviruso, kaj avancis en la vivo-normaliĝo, la prioritato ree estas savi la ekonomion.

Kompreneble, en la ĉefurbo, Havano, ankoraŭ estas aktivaj kazoj de la malsano, kio iel bremsas la kompletan normaliĝon de la vivo kaj ekonomio. Tamen, la progreso antaŭeniras kaj oni klopodas

eviti reaperon de la malsano per daŝraj singardoj kaj uzo de maskoj en publikaj lokoj, interalie.

Tiu ĉi bona panoramo rilate la epidemiologian situacion, igis la registaron avanci en la strategio ekonomia. La kuba prezidento Miguel Díaz-Canal parolis pri tiu ĉi strategio jam aprobita, kiu estas ankaŭ kontinueco de la landa programo ĝis 2030 por fortigi sian ekonomion kaj impulsi la produktivajn fortojn.

Evoluigi la ekonomion signifas oferti pliajn bonfarojn al la popolo; forigi la obstaklojn al la ekonomiaj procezo kaj starigi la gvidliniojn jam aprobitajn tiucele, eldiris la ĉefministro.

La vojo estas plena je obstakloj kaj la pandemio aldonis pliajn streĝojn al la landa ekonomio, kiu jam antaŭe travivis fortan streĝon. Tamen, la decidoj estis jam delonge prokrastitaj kaj la momento postulas avanci en pluraj agadlinioj, ĉefe impulsante la landan produktadon, fortigante la agrikulturan bazon kaj aliajn iniciatojn, kiuj celas minimumigi importadon kaj kreskigi eksportadon. Jen la defio.

<https://www.radiohc.cu/eo/noticias/economia/228866-cio-decidita-estos-farita-estas-la-defio-de-la-kuba-ekonomio>



Radio Habana Cuba